

صاحبی ، مدیری ، محرری :

ظاهر المولوی

آبونه بدلی :

سنه لکی ۱۰۰ غروش

آلنی آیانی ۵۰ «

اوج آیانی ۲۵ «

مختل

۱۳۳۸

اداره خانه سی :
شوزاده باشندہ (تعالی اسلام)
جمعیتی مرکز عمومی

مرکز توزیعی :
باب عالی جاده سنده اتحاد
تجارت کتبخانه سی

اسلامک نفقہ خادم مقالات
مع التشر قبول و درج اولونور

دینی ، علمی ، ادبی ، اجتماعی و سبیلک شہری مجموعہ اسہوہ در

(۱۳۳۸ ذی الحجہ سنہ مخصوص نسخہ) فی ۷ بوجوق غروش

عدد : ۶

مندرجات :

مختل دینی و علمی : فرضیت حج ، وقفہ صرفات ، بر آیت کریمہ مناسبتیہ ، دین اسلامک واضی ، حکمت تشریع

مختل تاریخی : بویوکلر سزدن مابعد ، معتقدات جاہلیہ

مختل ادبی : صرب رومانلری ، مناجات ، ذبح اسماعیل ، غنی کشمیری ، مختلک تاریخ انتشاری

مختل اجتماعی : تعالی اسلام جمعیتی واجرا آئیلہ بیاننامہ لرندن بعضلری

تبریک و تشکر

عید سعید اضیحاںک بالجملہ اخوان دین حقندہ متیمن و دولت و ملتک سعادت آتیہ سنہ مبدأ اولماہی الطاف
سبحانیہ دن متمنادر .

(مختل) ک انتشارینی اعلان و تبریک لطفندہ بولونان رفقای محترمیہ ، بالخاصہ مختل و صاحب ناجیزی حقندہ
بک ملتفتانہ و مشوقانہ توجہ ارانہ بویوران ادیب بی ہمال علی کمال بک افندی حضرتلرینہ عرض شکران اولونور .

فبح اسماعیل :

(قربان بایرامی مناسبه)

بعض دم ترتیل ایدوب نظم کریم (کوثر) ی
بر تفکر ایلرم حکم جلیل (وانحر) ی
ذوق فیکرت ؛ حال استغراقه سوق ایلربی
بر محیر لوحه دن ببنای شوق ایلربی
لوحه اما، رؤیتی آتشنزن ادراک اولور
عقل حکمت پیشه سیردهشتندن چاک اولور
لوحه اما ، کبریای خالقک بر لوحه سی
نامه اسرار اهل قربتک بر صفحه سی
لوحه اما ، که اولوب حیرتقزا افکارمه
انجلا ایلر شو یولده دیده بیدارمه :

قوملو بروادی که صحنی ریزه سنک وفرشی خار
جانینی دوش بردوش تعالی کوهسار
بلکه مرئی طاغیرندن موضع بیت خدا
سطح ربکستانی لکن پای صردمدن جدا
جلوه گاهی اولماشدر فیض معموریتک
حال ناآبادی حالا یادکاری خلقتک
ایتمه مش برکوشه سنده کیمسه منزل اختیار
آنده بر مهمان سائر در سموم بی قرار
ساحه خشککنده یوق بر جرعه ، یابر قطره آب
بلکه خاکسینه چاک کورمه مش ظل سراب
هر شکاف پهن عطش آلودی کویا بر دهان
ریزش باران ایچین اولمش کشاد آسمان
اهتراز باد ایلر سنک جبال ایگلر یور
کندی ساکتدر اوافغان حزینی دیکلیور
ایتمه ده کهسارینک آردنده خورشید اختفا
صانکه اولمش سرسمر بر بقعه مقبره نما
ساکن وساکت اولان هر ذره سنده یوق حیات
ظالباخاموش موت اولمش بو یرده کائنات

یالکنز آفاق تنکی ایلهمکده بر صدا
نالہ قلبه ، اینین روحه بکزه ر برندا
برندا اما ، ایکی دلدن خروشان اولماده
الکاسی کربه بخشای سروشان اولماده
برندا که : یا بنی اذبحک ماذاری
برندا : روحی فداکانت افعل ماتشاء
برندا : مأورم اولادم سنی ذبح ایتمه یه
برندا : ممنونم الله شهیداً کیتمه یه
برندا : اوغلم! اطاعت ایتمه سی برداغ دل
برندا : لیکن بابا عصیان ده قابل دکل
برندا : یاوروم! وداع ایت والدلبندکه
برندا : حقک حلال ایت ای پدر! فرزندکه
برمخیلان سایه سندن ایتمه ده عکس سماع
بویله جه برنوحه سوزشغزاه برالوداع



ظاهر اولمده باقیمجه چشم حیرت پروره
سس کلن جانبده دهشتبخش دل برمنظره :
دست وپایی رشته تسلیمه باغلی بر وجود
ایله مش پیشانی تکریمنی وضع سجود
اون ایکی ، اون اوچ پاشنده وجهی انور برچوجوق
بیشه زار قربه بر شیل الاسده بریاوروجوق
عین وحدت بینی سد ایتمش جهان آفاقه
قلب حق اندیشنی ربط ایلر مش خلاقنه
خاک تیره اوزره یاتمده وجود اکلی
صانکه خاورده عمود صبح صادق منجلی
روی صفوت پروری آلوده رمل و تراب
اغتراب ایتمش کی بر قوملو چولده آفتاب
سویلیور صولغون لی اولمش ده مشتاقی ممت
« اقلونی یا ثقانی ان فی قتل حیات »
تیرتیور فوق سرنده تیغ آتشار ایلر

بر مکرّم پیرفانی کنندی اجبار ایله
 قصد مجبوریمی ایتش کول کبی سیاسی
 وجهی آندیرمقده رنگ لحیه بیضاسنی
 برطرفدن چارپورکن قلبی اولادم! دییه
 برطرفدن حازم اولمش اوغانی ذبح ایتیه
 برألین افتاده نك قویمش جبین صافه
 برألین وضع ایله مش شمشیر بی انصافه
 چشم شفقتله باقارکن یرده کی معصومه
 سیف جوهر داری یاقلاشدیرماده حلقومه
 دست لرزانده تیغ و چشم کر یاننده یاش
 عزمنه قارشی دلنده برانین جانخراش
 ایکله تیرکن سینه آفاقی، صدر انفسی
 شویله بر مضایق افهام ایله مکده ناله سی :
 که : اکر مالعه اولادم آلهی ! خلته
 ایشته بن چکدم قیاس اول مانع قریته
 عالم اوئانه اعلان ایله مشکن وحدتی
 ایسته من اصلا خلیک قید انینیتی
 ناره دوشمکدن صیانت ایتمه مشدم کنیدی
 شیمدی ده ذبح ایلم بردانه چک فرزندی
 عشق فیاضک یاقارکن قلب مهر آبادیمی
 بن چکینمه کمسه دن بردانه چک اولادیمی
 هجت ایدانی اولسون امر کی تجیلمک
 قطع حلقومنده تکبیراتم اسماعیلمک
 تک سرمق طوغه کیسین شهادت افسرین
 وارسین اولسون سر بریده اوغلی بر پیغمبرک
 تک تأخر ایتمه سین انقاد قرمانک سنک
 وارسین اولسون بر قوزوم راهکده قربانک سنک
 ذبحنه اولادینک عزم ابتدی آرتیق والدی
 ایسته بسم الله اکبر اول آلهی شاهی



جستجو ایلرکی دستنده بر راه کریر
 عزم ابراهیمه تابع اولیور شمشیر تیغ
 سنک خارانی ایدرکن ضربه سیله چاک چاک
 کسمبور اول کردن بر نوری تیغ هولناک
 ایدی پرر عشه تشدید ایله دکجه مالشی
 حس ایدیلکده او کردن اوزره سیفک نالشی
 که : بکا قطع ایتیه امر ایلیور عزم خلیل
 مانع قطعی بوکا اولمقده فرمان جلیل
 قبضه پرزور خلت ؛ طور ما بردم کس دیور
 دست قدرت ؛ سیریمی توقیف ایدوب کس دیور
 کسمه مک امرین بکا ویرمکده معبود ملک
 تیغ چوپیم اکر اولسه مده سرتاسر جلیک



شیوه تقدیره قارشی غرق حیرتکن خلیل
 بر سماوی کنش ایله اولمقده نازل جبرئیل
 که : سکا صدمرده ای پیغمبر عالیجناب
 ایتدک ایقایی وظیفه ، ایله مه آرتیق شتاب
 ارتباط حب غیری سینه دن کسک یتیر
 ایشته بر قوچ ، اولماسین قربان قوزوک محزون پدر
 اتخاف فدیله ایله اوغلیکه ، اولسون مبین
 رمز (ان صدقت) ایله مضای (تجزی المجنین)
 نور پاک احمد مختاری حامل برجین
 اولماق لازمدر البت بویله موضوع زمین
 دست تسلیمیتندن قیل کشاده بندینی
 قالدیروب یردن قوجا قلا محترم فرزندیکی
 سوزش فرقتله یانمقده زواللی مادری
 آل کوتور اولادینی ، بکله تمه آرتیق (هاجر) ی

طاهر المولوی

